



UNIVERSITÄTS-
BIBLIOTHEK
PADERBORN

Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDCXXV. Die von Gersdorf zu Baruth setzen sich von den Markgrafen von
Brandenburg und deren Parthei zu den Herzogen von Sachsen, am 5. Mai
1441.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

oheim Marcgraff friderich vorgeant vnzern Swagjr von Sachsen augewonnen vnd in-
genommen haid, mechtiglich an vns gestalt han, wie wir sie in fruntschaft darumb scheiden
vnd zusehen In ützsprechen, dar sie darann von beyden syten begnugen haben wollen etc.
Also scheiden wir die obgenanten vnzer liebim Swager vnd oheim vmb die Sloffe vnd Spre-
chen, daz vnzer oheim Marcgraff friderich von Brandenburgk die obgenanten Sloffe
Nymegk vnd Brügke mit allen Iren zubeheurungen, in malzin die an en komen sin, vnzern
Swagjr von Sachsen von dießem nehsten donnerstage uber achtage, daz ist nemlich der don-
nerstagk nach dem heiligen palmen tage nehst kommet, widerumb in Antwurten, virandcla-
gen, dauon treden vnd keynerley gerechtikeid Im ader sinen erbin, als von folichs gewyones
vnd innehmens wegen, darann behalden sal: vnd abe die Burglute, Burger vnd Inwaner
der obgenanten Sloffe vnzern egenanten oheim Marcgrauen friderich von Brande-
burgk eynich huldunge ader globde gethan hetten, der solte er sie ganz vnd vngeuerlich,
ledig vnd lois sagen vnd widerumb an vnzer Swager von Sachsen vnd Ire erben damitde
wisen, sundjr alles geuerde vnd ane arglist: vnd des zu vrkunde so han wir obgenant lant-
graue ludewigk vnzer Ingelz (igel) an dießem brieff thun henghen, der gegeben ist zü
Halle, am dinstage nach dem Sontage Judica, Nach godes gebort tufend vierhundert vnd
in dem eyn vnd vierzigsten Jaren.

Nach dem im K. Sächsisch. Ges. Archiv in Dresden befindlichen Original.

MDCXXV. Die von Gerßdorf zu Baruth setzen sich von den Markgrafen von Brandenburg
und deren Parthei zu den Herzogen von Sachsen, am 5. Mai 1441.

Wisset hochgebornnen fursthen herzoge Segemund, Biffchoff zcu Wirzburg,
margraue hans, margrafte albrecht, margraue frederich von Brandemburg,
daz wir hirnach geschrebin Cristoffel vnd gotze gebruder von gerßdorf, czu Baruth
gefellen, die hochgebornnen fursthen vnd hern, hern frederiche vnd hern Wilhelm ge-
bruder hertzogen czu Sachßen etc. liebir wollin habin wenn uch: vnd wollen dar vmb
sibent sien auwir vnd aller auwir helffer vnd helffershelffer vnd alle der, die wir of uch feden
mogen vnd czihen vns dez ju der gnanten vnser gnedigen heren frede vnd vnrede: vnd
wollen dez vnns vnd alle der, die wir vff auuern schaden brengin mogen odir keyn uch vnd
alle auuern helffer vnd helffershelffer, vnd den, die wir of uch feden mogen bewart habin
mit delzem vnserm offin briue, der gegeben vnd vorsegilt ist mit meynen Cristoffels In-
gefigel, des wir andere mitte gebruchen nach cristi geburth virzehnhundert vnd darnach ju
eynen vnd virzigsten jare, am montage ju pfingist heiligen tagen etc.

Nach dem im K. Sächsisch. Ges. Archiv in Dresden befindlichen Original.